

*Sigle: s*

*Aufbewahrungsort: Landeshauptarchiv Schwerin*

*Signatur: Hss.-Fragm. (8)*

[1r,01]maken van der ioden walt Do fwech *min*  
kynt vnd *fprack* nicht ein wort S<u> an(=  
celme do nam de koninck de krone van *fi*(=  
me houede· vnd fette~~de~~ fe mime kynde//  
vp fyn hilge hoeuet vnd *fwor* bi finer kon(=  
nincklike ere· dat he ein teken dede *fo* wol(=  
de he em fyn konninckrike mededelen al(=  
fe eme erfkynde Do fwech myn kint vnd  
wolde nicht *fpreken* Dat vorfmade he(=  
rodes also fere dat he hete ene van *fic* bri(=  
gen vnd fede myn kint were ein doer des  
vnfheit <is> ei<.> <.>*f*<it> runde alle den to beg(=  
ripende de konnen wifheit der werlde  
vnd befpo~~ttede~~ myn kint den <a>ne vnderlaet  
de hilgen engellen lauen vnd *fingen*  
em *sanctus sanctus sanctus*. vnd fine knechte helden  
en vor einen doeren. des raet de hemmelfche  
vader nam do he *fchop* alle creaturen dar(=  
na let de koninck em ein wyt kleit an(=  
then to enem tekene. dat he were ein dore.  
De dat firmament kledet myt der *sonnen*  
[1v,01]vnd myt den *fternen* vnd mit dem manen·  
vnd de engellen myt ondoetlicheit· Vnd *fan*(=  
de myn kint wedder to pilatus· de allene  
de walt heft van fynen ewigen vader·  
alle creaturen to fendende to der ewigen  
pine Und do wart koninck herodes *Pi*(=  
latus frunt *vmme* dat / dat he em myn kint  
hadde gefant Do myn leue kint wed(=  
der to pilatus quam / do hadde pilatus myn  
kynt gerne gefriet van me dode vnd *fprack*  
to den ioden· Ghi heren gi hebbet einen won(=)

heit· dat men Iw to deffe<r> <ho>chtit einen *min*(=)  
fchen fcal loef geuen nu kefet wille  
gi hebben Iefum an deme ick nene fcult en  
vinde Edder willen gi hebben Barrabam  
de fyn lyf myt rechter bofcheit vorwrecht  
heft Do repen fe menichlick dat me en  
loef geue barraban Vnd dat me myn leue  
kynt hengeden an den galgen vnd crufegeden  
ene Do fede pilatus wat heft he gedaen  
darvme he fteruen fcal Ick vinde nene fch(=  
[2r,01]ult an em dar he den doet mede vordenet  
hebbe Wille gi Iw daran genogen laten  
dat ick ene tuchtege vnd laet en loes Do  
repen fe wedder mit luder ftemmen<:> dat  
me ene fcolde hengen an ene galgen vnd  
crucigen ene De wile pilatus myt mi(=  
me leuen kinde aldus beworren was / do  
fande fine vrouwe to em / vnd bot em dat  
he vnbeworren were mit dem<e> guden minfchen  
mine kinde Wente fe hadde alle de na(=  
cht dor em grot vngemack gele<d>en· al(=  
fo vele weren e<r> vorkamen an d<e>me fla(=  
pe Do dachte pilatus wo he de ioden  
fillede / dat fe ene leten leuen / vnd let myn  
harteleue kint binden an ene fule / vnd  
leth ftarke lude darto gaen / vnd let myn  
kint flaen mit geifelen vnd mit roden / dat  
van fine houede bet an finen verfen ni(=  
cht gantzes enblef Ancelme dat ick di  
nu fegge dat is alto iamerlick De fule dar  
fe myn leue kint vmme bunden / de was al(=  
[2v,01]fo dicke dat fe min kint nergen na konde  
vmegripen / bi twen fpennen lanck Do  
nemen fe ftarke repe vnd ~~vær~~ bunden vm(=  
me fine leuen hende· mit den he fines va(=  
ders viande wifen fcal in de grunt der

hellen dat fe em worden blou als ein duc  
vnd togen fe tofamide mit groter walt  
dat em fine aderen begunden to knakende  
Darna nemen de riddere fcarpen dorn  
vnd wunden ene krone de was alfo fch(=  
arp d<a>t fe nument mochte antafen em  
en fcheide we De krone flugen fe mime le(=  
uen kinde an fin hilge hoeuet D<o> dar is  
ene krone mit der fin ewige vader lonet  
alle hilligen dat em fin blut van fime ho(=  
uede an dufent enden vloet auer fin ant(=  
lat vnd auer fine ogen dat he mi fyn alder(=  
leuefte muder nicht mochte anfeen Doch  
ick konde ene nich bekennen an fime ant(=  
late Vnd geuen em ein roer in de hant tho  
enes koninges tekene· dat fe fine walt mede